



Te Whai Whakamana ā-Ture Mauroa

*he aha te tikanga o te noho hei
kaiwhakamana ā-ture?*

Ka marore pea tēnei mea te oranga — hei kaiwhakamana ā-ture ka whakawhirinakihia koe ki te tiaki i ngā āhuatanga o te wā heke mō tētahi tangata, ki te kore e taea e ia te hanga whakataunga mōna anō.

Mēnā ka tukuna ki a koe Te Whakamana ā-Ture Mauroa e tētahi atu, he aha te tikanga o tēnā?

He pēpa ā-ture te Whakamana ā-Ture Mauroa (te EPA) e tuku ana ki tētahi tangata (e mōhiotia ana hei ‘kaiwhakamana ā-ture’) te mana whakatau mō tētahi atu kua kore e taea te whakatau mōna anō.

He tūranga hira, he tūranga e uaratia ana tō te mahi hei kaiwhakamana ā-ture, ā, ko tōna tikanga ka whakawhirinakihia koe ki te tiaki i ngā hiahia o tētahi tangata mō tōna oranga o muri atu, āna pūtea hoki/rānei, me āna taonga, pēnei i āna moni, tōna whare me āna rawa.

Me whakarite te EPA i mua i tō te tangata – e mōhiotia ana ko te ‘kaituku’ – hiahiatanga ki tētahi, ā, i te wā he kaha ā-hinengaro tonu tō te tangata ki te hanga i ōna ake whakataunga. Ko te tiaki i ngā hua pai mō te kaituku te mahi hira rawa o te tūranga o te kaiwhakamana ā-ture.

E rua ngā momo EPA, ā, ka taea e koe te mahi hei kaiwhakamana ā-ture mō tētahi, mō ngā mea e rua rānei:

- NGĀ RAWA – Ka āhei te kaituku te whakatū i tētahi kaiwhakamana ā-ture, i ētahi rānei mō tēnei, ā, ka noho pea ēnei he tāngata, he kaporeihana matapopore rānei (pēnei i te Public Trust), ā, ka taea te whakahohe i mua i te ngarotanga atu o tōna kaha ā-hinengaro.
- TE TIAKI WHAIARO ME TE TOKO I TE ORA – ka taea e tētahi kaiwhakamana ā-ture kotahi anake te pupuri i tēnei momo EPA, ā, kāore e whakaaetia he kaporeihana matapopore. Ka whakahohea tēnei hei te wā anake e whakaarohia ana te kaituku e tētahi mātanga hauora hei tangata kua ngaro tōna kaha ā-hinengaro.

Ka āhei hoki te kaituku te whakaingoa i ētahi atu tāngata i te EPA e kōrero ai koe mō ngā whakataunga e hanga koe.



He aha aku mahi?

Ā muri i te whakahohenga o tētahi EPA hei a koe te mana hanga whakatau mō te kaituku. Ko āu mahi kei te āhua o te momo EPA me ngā mahi e hiahia ana te kaituku kia mahia e koe.

Mō tētahi EPA mō **ngā rawa** me mahi pea koe i ēnei:

- me utu nama me te tiaki i ngā pūtea pēke, me tiaki, me hoko rānei i ngā whare, ngā rawa, ngā hea rānei, me te whakatutuki i ngā kawenga e kōrerotia ana i te EPA.

Mō tētahi EPA mō te **tiaki whaiaro me te toko i te ora** me mahi pea koe i ēnei:

- me whakatau i ngā take pēnei i te tiaki hauora, te whare noho, me te oranga whānui. Kāore koe e āhei te hanga whakatau e pā ana ki te mārena, te tokorau, te whakatipu tamariki, kāore rānei e āhei te whakakore i te maimoatanga whakaora.

Me whakawhitiwhiti kōrero koutou ko te kaituku ko ērā atu kua whakaingotia i te EPA, ā, mēnā he kaiwhakamana ā-ture koe mō ngā rawa, me mau he pūkete pūtea pai. He mea nui hoki te āwhina i te kaituku kia whai wāhi ia ki ngā whakatau ina taea tēnā.

Mēnā kua whakatūria he tāngata whai whakamana ā-ture anō, me mahi tahi tonu me rātou ki te whakarite kia kore ai ngā painga o te kaituku e awea e tētahi hapa whakawhitiwhitinga kōrero.



Āhea mana ai te EPA?

Ka mana anake tētahi EPA ā te wā ka whakatau tētahi mātanga hauora, te Kōti Whānau rānei, kua kore e kaha ā-hinengaro ana te kaituku. Heoi anō, mō ngā rawa, ka mana pea te EPA i te wā he kaha ā-hinengaro tonu tō te kaituku, me te haere tonu mēnā ka ngaro tō te kaituku kaha ā-hinengaro.



Ka tiroirohia aku mahi hei whakarite kia tika?

He here ā-ture tōu ki te whakawhitiwhiti kōrero ki te kaituku ina taea, me te whakawhitiwhiti kōrero ki ērā atu kua whakaingotia i te EPA. Me whakarato mōhiohio hoki pea mō āu mahi ki ngā tāngata nā te kaituku i whakaingoa, kia taea ai e aua tāngata te aroturuki i ō whakatau.

Ka āhei te Kōti Whānau te arotake i āu mahi me te panoni i ngā kupu o te EPA mēnā kua tukuna he tono ki te kōti kia pērā.



Āhea mutu ai te EPA?

Ka āhei te kaituku te panoni, te whakamutu, te hanga rānei i tētahi EPA hou mēnā kei a ia tonu te kaha ā-hinengaro. I tua atu, ka ngaro i a koe tō tūranga hei tangata whai whakamana ā-ture mēnā ka hemo koe, ka kaiarau, ka pāngia rānei e tētahi whakatau kōti whaiaro, whakatau kōti rawa rānei, ka whakakore rānei te Kōti Whānau i tō whakatūnga. Ka mutu hoki ō mahi hei tangata whai whakamana ā-ture ki te hemo te kaituku. Mēnā kua kore koe e hiahia kia noho hei tangata whai whakamana ā-ture, ka āhei koe te whakamōhio ā-tuhi i te kaituku i a ia e kaha ā-hinengaro tonu ana, ka āhei rānei te haere ki te Kōti Whānau mēnā kua ngaro tō te kaituku kaha ā-hinengaro.



Ka whiwhi āwhina au i hea?

Ka taka pea te wā me whiwhi tautoko, tohutohu hoki koe. Haere ki

www.msd.govt.nz/epa mō ētahi mōhiohio anō, ka toro rānei i tētahi Community Law Centre. Ka āhei hoki te tono tohutohu mai i te Kōti Whānau mēnā ka uaua tō whai i ngā tohutohu EPA .



Me whai EPA hoki ahau?

Āe. Mō te tiaki i ō painga mō muri atu te take. Heoi anō, e kore rawa

koe e mōhio āhea ka hiahia ki tētahi EPA.

Mēnā kāore anō koe kia whai EPA, e tika ana kia kōwhiri koe ināianei ki te tangata e hiahia ana kia hanga whakatau mōu mēnā kua kore tō kaha ki te whakatau mōu ake.



Ka kimi mōhiohio anō au i hea?

Ka kitea he mōhiohio anō, he tohutohu me ngā rauemi EPA i te paetukutuku a Te Manatū Whakahiato Ora i www.msd.govt.nz/epa, i te Citizens Advice Bureau, te whare pukapuka tūmatanui, te Community Law Centre, te tari o He Manaakitanga Kaumātua e tūtata ana, mā te whakapā rānei ki tētahi mātanga ture tūtata.

Ka wātea hoki he mōhiohio mā te waea ki 0800 273 674.



New Zealand Government



OFFICE FOR SENIOR CITIZENS

TE TARI KAUMĀTUA

Administered by the Ministry of Social Development